

ხელშეკრულება №04 **სახელმწიფო შესყიდვის შესახებ**

ქ. ტყიბული

23 თებერვალი 2021 წელი

ერთი მხრივ, ა.(ა).ი.პ. „ტყიბულის მუნიციპალიტეტის სკოლამდელი აღზრდის დაწესებულებათა გაერთიანება“ (შემდგომში „შემსყიდველი“) წარმოდგენილი დირექტორის ემილია გაბრიამე - კაკაბაძეს სახით (რეკვიზიტები: კ. ლომაძის მოედანი #3. ს.კ.219638024. სახელმწიფო ხაზინის ერთიანი ანგარიში TRESGE22 და მეორე მხრივ, შ.პ.ს., „ნება“ (შემდგომში „მიმწოდებელი“) წარმოდგენილი მერაბ კაჭკაჭაშვილის სახით, სახელმწიფო შესყიდვების კანონის და მიმწოდებლის სატენდერო წინადადების საფუძველზე, NAT 210001624 ელექტრონული ტენდერის ჩატარების შედეგად აფორმებენ სახელმწიფო შესყიდვის შესახებ ხელშეკრულებას.

1. ხელშეკრულების საგანი

სხვადასხვა საკვები პროდუქტი: შაქარი, ვერმიშელი, მაკარონი, ჩაი (უმაღლესი ხარისხი), მარილი (იოდიზირებული), კაკაო, ფქვილი ხორბლის, კვერცხი ქათმის, ორცხობილა, საფუარი, ვანილი (შემდგომში „მომსახურება“), ტექნიკური პირობებისა და წარმოდგენილი ფასების ცხრილის შესაბამისად, რომლებიც წარმოდგენენ ხელშეკრულების განუყოფელ ნაწილს. (CPV კლასიფიკატორის კოდი:15800000,15831000,15851000,15851100,15863000,15872400,15841000,15899000,15821150,15898000,15872000)

2. ხელშეკრულების ჯამური ღირებულება

2.1. ხელშეკრულების ჯამური ღირებულება შეადგენს **13 988-00 ლარს**. (ცამეტიასცხრაასოთხმოცდარვა ლარი და 00 თეთრი).

2.2. ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს (მათ შორის ტრანსპორტირების ხარჯი).

3. ანგარიშსწორების ფორმა და ვადები

3.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

3.2. მიმწოდებელთან ანგარიშსწორება განხორციელდება მიმწოდებლის მიერ ხელშეკრულებით გათვალისწინებული მომსახურების ან მისი ნაწილის შესრულების შემდეგ, ხელმოწერილი მიღება-ჩაბარების აქტის ან დადასტურებული ელექტრონული ზედნადების საფუძველზე.

3.3. მიმწოდებელთან ანგარიშსწორება განხორციელდება მიღება-ჩაბარების აქტზე შემსყიდველის მიერ ხელმოწერიდან 10 კალენდარული დღის განმავლობაში.

4. შესყიდვის ობიექტის მიღება-ჩაბარების წესი

4.1. სამუშაოები ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.

4.2. შემსყიდველის მხრიდან მიღება-ჩაბარების აქტის ხელმოწერი პირებია ტყიბულის მუნიციპალიტეტის სკოლამდელი აღზრდის დაწესებულებათა გაერთიანების ადმინისტრაციული ერთეულების, ბაგა-ბაღების ადმინისტრაციის უფროსები/სამეურნეო ნაწილის გამგეები/მედდები.

5. შესყიდვის ობიექტის მიწოდების ვადა

5.1. მომსახურების მიწოდება განხორციელდება ეტაპობრივად, ხელშეკრულების გაფორმებიდან 2021 წლის 31 ივლისის ჩათვლით, შემსყიდველის მოთხოვნის შესაბამისად.

6. მხარეთა უფლება-მოვალეობები

- 6.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.
- 6.2. შემსყიდველი ვალდებულია უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.
- 6.3. მიმწოდებელი უფლებამოსილია დროულად და კეთილსინდისიერად შეასრულოს ხელშეკრულებით ნაკისრი ვალდებულება.
- 6.4. მიმწოდებელი ვალდებულია თავისი ხარჯებით უზრუნველყოს ხარვეზების და ნაკლოვანებების გამოსწორება.

7. პირგასამტეხლო ხელშეკრულების პირობების შეუსრულებლობისათვის

- 7.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.
- 7.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 2 პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 7.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

8. ხელშეკრულებაში ცვლილებების შეტანა და ხელშეკრულების შეწყვეტა

- 8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 8.2. ხელშეკრულების პირობების შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 8.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 8.4. მხარე ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 8.3 პუნქტით გათვალისწინებულ გადაწყვეტილების მიღების განზრახვის შესახებ.
- 8.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

10. ხელშეკრულების მოქმედების ვადა

ხელშეკრულება ძალაში შედის ხელშეკრულების გაფორმებიდან და მოქმედებს 2021 წლის 31 აგვისტოს ჩათვლით.

11. მხარეთა რეკვიზიტები:

შემსყიდველი

მიმწოდებელი